



Inatsisartunut ilaasortaq Múte B. Egede, Inuit Ataqtigiit  
/Maani

### § 37 naapertorlugu apeqqutip nr. 025--2019p akineqarnera

Inatsisartut suleriaasissaanni § 37-mi imm. 1 naapertorlugu Naalakkersuisunut saarullittassiissutinik tunngasumik apeqquteqarputit. Apeqqutip suliaasaqarfigisannit akineqartussanngorlugit innersuunneqarput.

1. Naalakkersuisut qaqugu aalisarnermut inatsisissamut kommissionissaq sulisillugu aallartinniapaat?

Aallaqqaasiullugu Aningaasanut Inatsisissamut tunngatillugu isumaqatigiissut 23. november 2018-imeersoq innersuussutigissavara, tassani ima allassimasoqarmat:

#### "Aalisarnermut kommissionissap pilersinnissaa

Peqataasut isumaqatigiissutigaat ilaatigut inuussutissarsiortunit taakkulu kattuffiinit sinniisoqartumik aalisarneq pillugu ataatsimiititaliarsuarmik pilersitsisoqassasoq. Ataatsimiititaliarsuaq aalisarnermut tunngasuni ineriartortitsinissaq siuarsarniarlugu aamma aalisarnerup aalisakkallu inuiaqatigiinnut tamakkiisumik iluaqutaanissaat qulakkearniarlugu aalisarnermut inatsisissamut allanullu suliniutinut attuumassuteqartunut siunnersuuteqassaaq. Aalisarnermik inuussutissarsiuteqarneq nunatsinni pingaarnertut suli inuussutissarsiutaavoq. Inuussutissarsiorterup pingaaruteqassusaa namminer-sorlutik ingerlatsisuni suliffeqartitsinikkut isertitatigullu, nunanut allanut niuerner-mi kisitsisitigut kiisalu pisortat aningaasaataatigut soorlu akileraarutitigut akitsuutitigullu takuneqarsinnaavoq. Aalisarneq pillugu politikki ataqtigiittoq suliaasaqarfimmilu pilersaaruserneq inuiaqatigiinni naleqarnerulersitsinerup aalajangiussimanissaanut annertusinnaaneranullu iluaqutaassaaq. Aalisarnermut Ataatsimiititaliarsuup aalisarnermut tunngatillugu inatsisit naleqqussarneqarnissaanut siunnersuutini aam-malu aalisarnermik inuussutissarsiummut tunngatillugu suliaasaqarfimmi tassani pilersaarutissamik, ukiuni arlaqalersuni ujartorneqartarsimasumik, ikorfartuillunilu kaam-mattuutiniq suliaqartussap pilersinnissaanut ingerlannissaanullu 2 mio. kr.-t 2019-mut immikkoortinneqarput. Ataatsimiititaliarsuarmi ilaasortat naatsorsuutigineqarpoq aningaasanut inatsisip akuerineqarnerata kingunitsianngua toqqarneqassasut, Naalak-kersuisut Ataatsimiititaliarsuup sulinermini tunngavissaanik piareersaaqqaassammata".

Naalakkersuisut isumaqatigiissutaasut piviusunngortissallugit sulissutigaat, isumaliu-taavorlu sulissutigineqartut nangeqqinneqarnissaat.

Ulloq: 25-01-2019  
Suliap normua: 2019 - 1148  
All. nr.:9813564

Postboks 269  
3900 Nuuk  
Oqarasuaat (+299) 34 50 00  
Naqitanik nassitsigassuaat  
+299 34 63 55  
E-mail: apn@nanoq.gl  
www.naalakkersuisut.gl

2. Kattuffiit susassaqtut Naalackersuisunit kommissionissaq pillugu suleqataanissaanut saaffigereerpaat? Taamaassimappallu qanga tamanna piva imaluunniit pisarsimava?

Apeqquut 1-mut akissummut akissut innersuussutigineqarpoq.

3. Naalackersuisut susassaqtunik innuttaasunillu akuutitsinissartik suliami uani qanoq pilersaaruteqarfigaat?

Apeqquut 1-mut akissummut akissut innersuussutigineqarpoq.


4. Naalackersuisut kommissionip sulinerani kikkut akuutinniarpaat?

Apeqquut 1-mut akissummut akissut innersuussutigineqarpoq.

5. Naalackersuisut kommissionissaq sunik suliakkerniarpaat?

Apeqquut 1-mut akissummut akissut innersuussutigineqarpoq.

Inussiarnersumik inuulluaqqusillunga



Nikkulaat Jeremiassen

Aalisarnermut, Piniarnermut Nunalerinermullu Naalackersuisoq